

Zenica, 05. 01. 2018. godine
Naš br. 04/17

JAVNI POZIV

XVII FESTIVAL BOSANSKOHERCEGOVAČKE DRAME I AUTORSKOG TEATRA ZENICA 2018.

Pozivaju se pozorišne/kazališne kuće, ansambli i ostali organizacione forme profesionalne pozorišne produkcije iz Bosne i Hercegovine i inozemstva da prijave predstave rađene u njihovoj produkciji ili koprodukciji za učešće u glavnom Takmičarskom / Natjecateljskom programu XVII. Festivala bosanskohercegovačke drame i autorskog teatra Zenica 2018. koji će se održati u periodu od 05. do 12. maja/svibnja 2018. godine u Zenici, BiH.

PROPOZICIJE:

- pozorišta/kazališta mogu prijaviti neograničen broj predstava bosanskohercegovačkih autora (autori rođeni u BiH i/ili koji posjeduju bh. državljanstvo i/ili žive i rade u BiH i/ili neupitno i argumentirano se osjećaju dijelom bh. kulturnog prostora);
- prijavljene predstave moraju biti premijerno izvedene u periodu od **20. februara/veljače 2017. godine do 20. marta/ožujka 2018. godine;**
- krajnji rok za prijave predstava je **petak, 02. februar/veljača 2018. godine** (u odnosu na datum na koverti ili pristiglu poruku e-pošte);
- za predstave kojima je premijerna izvedba planirana do 10. marta/ožujka 2018. potrebno je navesti datum i mjesto održavanja premijerne izvedbe, a u slučaju eventualne promjene termina o tome blagovremeno izvjestiti organizatora Festivala;
- za predstave koje su već imale premijernu izvedbu potrebno je navesti datum i mjesto narednih repriznih izvedbi, a u slučaju eventualne promjene termina o tome blagovremeno izvjestiti organizatora Festivala;
- selekcija predstava će biti objavljena u **utorak, 27. marta/ožujka 2018. godine** u povodu Svjetskog dana pozorišta;
- uz što preciznije popunjen prijavni list potrebno je priložiti i slijedeće:
 - video zapis predstave;
 - podatke o autoru dramskog teksta - kratko;
 - podatke o redatelju i ostalim članovima autorskog tima - kratko;
 - afišu/brošuru/programsku knjižicu predstave i plakat;
 - izbor iz kritike i *press-clippinga*;
 - fotografije iz predstave - visoke rezolucije u elektronskoj verziji;
 - ostale promotivne i teatrološke materijale - ukoliko postoje;
 - listu tehničkih zahtjeva sa detaljnim popisom svih potreba i specifičnih zahtjeva;
 - za ansamble van BiH - *rooming* lista (uz eventualne posebne zahtjeve koji se odnose na smještaj i ishranu).

Prijavni list bez priloga potrebno je kao pretprijavu poslati u što skorije vrijeme:

- *faxom na broj +387 (0)32 442 420 i/ili;*
- *na neku od adresa elektronske pošte: denis.krdzalic@bnp.ba ili festival.bh.drame@bnp.ba*



Uvjeti festivalskog učešća

Bosansko narodno pozorište Zenica, kao organizator i realizator Festivala, za ansamble izabranih predstava koje će biti izvedene u službenoj konkurenciji u okviru glavnog Takmičarskog programa Festivala preuzima obavezu subvencioniranja dijela troškova putovanja.

Sa pozorištima/kazalištima sa kojima BNP Zenica ima potpisane ugovore i sporazume o saradnji i redovnoj razmjeni repertoarskih predstava, festivalske izvedbe mogu se realizirati i u okviru tog oblika saradnje.

Svim gostujućim ansamblima će biti pružena tehničko-tehnološka i produkciona podrška u pripremi i realizaciji adaptacione probe i festivalske izvedbe predstave, a u odnosu na produkcijske i tehničko-tehnološke mogućnosti.

Selekcija

Radi blagovremene pripreme i dolaska selektora na predstavu, pozorišta/kazališta u prijavi trebaju navesti termine premijernih i/ili repriznih izvedbi u tekućoj pozorišnoj/kazališnoj sezoni za one predstave za koje su termini već utvrđeni, a naknadno za one predstave za koje će se termini naknadno i utvrditi.

U direktnom kontaktu s pozorištima/kazalištima direkcija Festivala ili selektor osobno će najaviti svoj dolazak, a naknadno i u dogovoru s pozorištima/kazalištima i na predstave za koje još nisu poznati termini.

Kao uvid u prijavljenu predstavu potpuno mjerodavno može poslužiti i video zapis iste.

Prijave sa priložima dostavljati na slijedeću adresu:
Bosansko narodno pozorište Zenica / festival bh. drame
sa naznakom: „*Prijava za 17. Festival bh. drame*“
Trg BiH 3
72000 Zenica
Bosna i Hercegovina

Poziv i prijavni obrazac u .doc i .pdf elektronskim formatima dostupni su i na zvaničnoj internetskoj prezentaciji: www.bnp.ba/festival

Važniji kontakti:

Denis Krdžalić, izvršni producent Festivala
tel. +387 32 442 422; mob. +387 62 100 331; denis.krdzalic@bnp.ba

Nedžad Fejzić, selektor
tel/fax +387 32 442 420; mob. +387 66 804 799

